



Na osnovu člana 2.9 stav (1) tačka 2, a u vezi sa članom 2.9 stav (1) i članom 14.1 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i Odluke o raspisivanju i održavanju ponovnih izbora u osnovnoj izbornoj jedinici Stolac ("Službeni glasnik BiH", broj 9/17), Centralna izborna komisija Bosne i Hercegovine je, na 9. sjednici, održanoj 16.02.2017. godine, donijela

## **INSTRUKCIJU**

### **o primjeni člana 2.9 stav (1) tačka 1. Izbornog zakona Bosne i Hercegovine**

#### **Član 1.** **(Predmet)**

Ovom instrukcijom uređuje se postupak koordiniranja i nadgledanja ponovnih izbora u osnovnoj izbornoj jedinici Stolac, koji se održavaju 19.02.2017. godine.

#### **Član 2.** **(Period i mjesto koordiniranja i nadgledanja)**

Ovlašteni službenik Centralne izborne komisije Bosne i Hercegovine (u daljnjem tekstu: ovlašteni službenik), akreditovan ispred Centralne izborne komisije Bosne i Hercegovine na biračkom mjestu, prilikom provedbe ponovnih izbora 19.02.2017. godine u osnovnoj izbornoj jedinici Stolac dužan je biti prisutan na određenom biračkom mjestu u vremenu od 06:00 sati do kraja prebrojavanja i pakovanja izbornog materijala sa biračkog mjesta.

#### **Član 3.** **(Obaveza ovlaštenog službenika)**

Tokom koordiniranja i nadgledanja rada biračkog odbora, ovlašteni službenik je dužan:

- a) pregledati da li je biračko mjesto uređeno u skladu sa aktima Centralne izborne komisije Bosne i Hercegovine, odnosno, šemom uređenja biračkog mjesta,
- b) izvršiti kontrolu da li je u 06.00 sati izborni materijal kompletan i da li je ispravno dostavljen na biračko mjesto, odnosno, da li su glasački listići uredno upakovani u originalne kutije,
- c) biti prisutan na određenom biračkom mjestu u 06.00 sati 19.02.2017. godine, (sat vremena prije otvaranja biračkog mjesta),
- d) pokazati službenu akreditaciju Centralne izborne komisije Bosne i Hercegovine i dati važeći identifikacioni dokument u svrhu evidentiranja od strane predsjednika biračkog odbora u dijelu Z4 Zapisnika o radu biračkog odbora,

- e) koordinirati i nadgledati aktivnosti biračkog odbora prije otvaranja biračkog mjesta, što uključuje: utvrđivanje broja imena na izvodu iz Centralnog biračkog spiska, utvrđivanje broja zaduženih glasačkih listića oba nivoa i priprema glasačke kutije za izborni dan,
- f) u toku glasanja koordinirati i nadgledati aktivnosti biračkog odbora: postupak identifikacije birača, postupak izdavanja glasačkih listića, poštivanje principa tajnosti glasanja, način ubacivanja glasačkih listića u glasačku kutiju, te postupak pomoći drugog lica biračima kojima je potrebna pomoć,
- g) upozoriti predsjednika biračkog odbora o svim procesnim radnjama koje treba izvršiti ukoliko ovaj ne izvrši propisanu radnju,
- h) nakon zatvaranja biračkog mjesta pratiti postupak utvrđivanja broja potpisa na izvodu iz Centralnog biračkog spiska, utvrđivanje broja neiskorištenih i oštećenih glasačkih listića, pakovanje neiskorištenog izbornog materijala,
- i) brojanje glasačkih listića za načelnika općine-većinski glas i pakovanje izbornog materijala za taj nivo,
- j) brojanje glasačkih listića za općinsko vijeće-otvorena lista i pakovanje izbornog materijala za taj nivo,
- k) dan nakon održanih ponovnih izbora u osnovnoj izbornoj jedinici Stolac ovlaštenu službenik sačinjava izvještaj o svim gore navedenim aktivnostima i isti dostavlja Centralnoj izbornoj komisiji Bosne i Hercegovine i
- l) druge radnje u skladu sa obavezama iz Poglavlja III-Brojanje glasačkih listića i glasova (član 35. do člana 47.) i Poglavlja IV-Pakovanje izbornog materijala (član 50. do člana 54.) Pravilnika o načinu provedbe izbora u Bosni i Hercegovini.

#### **Član 4.**

##### **( Postupanje ovlaštenog službenika)**

(1) U slučaju uočavanja nepravilnosti na biračkom mjestu ili postupanja biračkog odbora suprotno propisima, ovlaštenu službenik postupa na sljedeći način:

- a) upozorava predsjednika biračkog odbora i upućuje ga na procedure i način otklanjanja nepravilnosti,
- b) ukoliko predsjednik ne otkloni nepravilnost ili ne postupi u skladu sa propisima, obavještava Općinsku izbornu komisiju Stolac i Centralnu izbornu komisiju Bosne i Hercegovine i
- c) odmah evidentira primjedbu u Zapisnik o radu biračkog odbora dio Z6 Zapisnika o radu biračkog odbora i potpisuje se.

(2) Ovlaštenu službenik kojem je onemogućeno upisivanje primjedbe u Zapisnik o radu biračkog odbora, sačinjava službenu zabilješku i obavještava Općinsku izbornu komisiju

Stolac i Centralnu izbornu komisiju Bosne i Hercegovine, te im istu dostavlja po sticanju uslova.

**Član 5.**  
**( Imenovanje)**

U slučaju da imenovani član ili zamjenik člana biračkog odbora ne pristupi na biračko mjesto po pozivu Općinske izborne komisije Stolac, Općinska izborna komisija Stolac može imenovati ovlaštenog službenika, raspoređenog za koordiniranje i nadgledanje tog biračkog mjesta, za člana biračkog odbora u toku glasanja, odnosno za zamjenika člana tokom procesa brojanja.

**Član 6.**  
**(Prilozi)**

Sastavni dio ove instrukcije je lista ovlaštenih službenika po biračkim mjestima i u izornoj komisiji.

**Član 7.**  
**( Stupanje na snagu i objava)**

Ova instrukcija stupa na snagu danom donošenja i objavit će se na internet-stranici Centralne izborne komisije BiH.

Broj: 05-1-02-2-392-1/17  
Sarajevo, 16.02.2017. godine



Predsjednica

Dr. Irena Hadžiabdić